

ՀԱՅ ԳԻՏՆԱԿԱՆՆԵՐԸ ՀՈՒՆԳԱՐԻԱՅՈՒՄ

1969 թ. հունվարի 13—27-ը Հունգարիայում էլ ղտնվում ՀՍՍՀ ԳԱ գիտնականների մի խումբ, որի կազմի մեջ էին՝ ՀՍՍՀ ԳԱ հասարակական գիտությունների բաժանմունքի ակադեմիկոս-բարտուղար, ակադեմիկոս Մ. Պ. Աղայանը, ակադեմիկոս Ա. Լ. Մնջոյանը, պատմական գիտությունների դոկտոր Ն. Ղ. Սարգսյանը և պատմական գիտությունների թեկնածու Վ. Կ. Ոսկանյանը:

Հայ գիտնականները եղան Հունգարական ակադեմիայի մի շարք գիտական հիմնարկներում, ծանոթացան նրանց գիտահետազոտական աշխատանքներին, ինչպես նաև հասարակական գիտությունների բնագավառում կոնկրետ համագործակցություն հաստատելու նպատակով այդ հիմնարկների ղեկավարների հետ քննարկեցին գիտական հարցեր:

Միմյանց հետ ունեցած հանդիպումներից, դրույցներից հետո հունգար և հայ գիտնականները համաձայնության եկան գիտական համագործակցություն հաստատելու մասին: Նրկու ակադեմիաների միջև գիտական համագործակցության վերաբերյալ կազմվեց արձանագրություն, որը տորագրեցին ՀՍՍՀ գիտությունների ակադեմիայի կողմից՝ ակադեմիկոս Մ. Պ. Աղայանը, հունգարական ակադեմիայի կողմից՝ ակադեմիկ լասլո Մատրային:

Արձանագրության համաձայն հետազոտություններ են կատարվելու հետևյալ պրոբլեմների շրջով.

Պատմական գիտությունների բնագավառում՝

1. Հայկական աղբյուրները հունգար ժողովրդի և նրա հետ շփվող ժողովուրդների V—XI դդ. նախապատմության մասին:

2. Հունգարական աղբյուրները հայերի մասին:

3. Հայ-հունգարական կապերի պատմության մասին հողվածների ժողովածուի հրատարակության նախապատրաստություն:

4. Հունգարիայում գտնվող հայկական փաստաթղթերի հրատարակման նախապատրաստություն:

5. Հայերի մասնակցությունը Հունգարիայի տնտեսական-քաղաքական կյանքին՝ կապիտալիստական հարաբերությունների դարպասման ժամանակաշրջանում:

6. Հունգար և հայ ժողովուրդների պայքարը թուրքերի դեմ (փաստաթղթերի ժողովածու):

7. Հունգարիայի 1848—1849 թվականների ազգային-ազատագրական շարժումների արձանագրությունը հայկական պարբերական մամուլում:

8. Հունգարացիների մասնակցությունը Անդրկովկասի հեղափոխական շարժումներին և հայերի մասնակցությունը Հունգարիայի հեղափոխական շարժումներին:

9. Հունգարիայի և Հայաստանի տնտեսական և կուլտուրական կապերը արդի ժամանակաշրջանում:

Հնագիտության և ազգագրության բնագավառում՝ գիտական աշխատողների փոխանակում ատարել Հայաստանում և Հունգարիայում անտիկ ժամանակաշրջանի պեղումներին մասնակցելու: ինչպես նաև ֆեոդալական ժամանակաշրջանի ազգագրական ուսումնասիրություններ կատարելու: ամար:

Արվեստի պատմության բնագավառում՝ հետադոտել Հունգարիայի հարտարապետական հուշարձանները երկու ժողովուրդների կիրառական արվեստում եղած կապերն ու փոխազդեցությունները հայտաբերելու համար:

Գրականագիտության բնագավառում՝ ուսումնասիրել Հունգարիայի քաղաքական ու կուլտուրական կյանքի արտացոլումը Հունգարիայում հրատարակված «Արմենիա» ամսագրի էջերում:

Լեզվաբանության բնագավառում՝ փորձի փոխանակման նպատակով ՀՍՍՀ ԳԱ լեզվի ինստիտուտից գիտաշխատող գործուղել հունգարական էքսպերիմենտալ հնչունաբանական լաբորատորիա: Կոորդինացնել ղփլաղերեն լեզվով (հայաստա) տեքստերի հավաքման աշխատանքները:

Իրավագիտության գծով՝ փորձի փոխանակման կարգով ուսումնասիրել Հունգարիայի և Հայաստանի տեղական իշխանությունների՝ սովետների աշխատանքները:

*

Փետրվարի 16-ին տեղի ունեցավ ՀՍՍՀ ԳԱ հասարակական գիտությունների բաժանմունքի բյուրոյի ընդլայնված նիստը, որը քննարկեց Հունգարիա գործուղված ՀՍՍՀ ԳԱ գիտնականների հաշվետվությունը՝ հունգարական ակադեմիայի հետ վարած բանակցությունների վերաբերյալ: Զեկուցումով հանդես եկավ ՀՍՍՀ ԳԱ ակադեմիկոս Ծ. Պ. Աղայանը:

— Հայկական ակադեմիան առաջինն է Միության մեջ, — ասաց զեկուցողը, — որ անմիջական կապերի մեջ է մտնում արտասահմանյան ակադեմիայի հետ: Արձանագրության համաձայն, որն ստորագրվել է 1968 թ. ապրիլին Բուդապեշտում՝ ՀՍՍՀ ԳԱ պրեզիդենտ Վ. Հ. Համբարձումյանի և հունգարական ակադեմիայի պրեզիդենտ Իշտվան Ռուսնյակի կողմից, տեղի են ունենում գիտաշխատողների փոխադարձ գործուղումներ՝ Բուդապեշտ և Նոնհայմ, նախատեսվում է նաև ասպիրանտների փոխանակում: Երկու ակադեմիաների միջև գիտական համագործակցությունը առաջին շրջանում պետք է իրականացվի աստղագիտության, ֆիզիկայի, բիոքիմիայի և հասարակական գիտությունների գծով:

Այնուհետև Ծ. Պ. Աղայանը իր զեկուցման մեջ հանգամանորեն կանգ առավ հունգարական ակադեմիայի բաժանմունքների ու գիտահետազոտական հիմնարկների կառուցվածքի, աշխատանքի մեթոդների ու ձևերի, գիտահետազոտական աշխատանքների թեմատիկայի և բազմաթիվ այլ հարցերի վրա: Անդրադառնալով հունգարացի գիտնականների աշխատանքի մեթոդին, զեկուցողն ընդգծեց, որ նրանք աչքի են ընկնում գիտական աշխատանքի բարձր կուլտուրայով և ճշտապահությամբ: Ոչ միայն բնական, այլև հասարակական գիտությունների ինստիտուտները հազեցված են նորագույն սարքավորումներով, ստեղծված են դրական ֆոնդերից և գիտական ինֆորմացիայից օգտվելու նորմալ պայմաններ: Օրինակ, տնտեսագիտության ինստիտուտում գիտական աշխատողներին ամեն օր տրվում են ոչ միայն նոր գրքերի, այլև տարբեր լեզուներով լույս տեսնող տնտեսագիտական ամսագրերում տպագրված հոդվածների ու հաղորդումների ցուցակներ: Գիտաշխատողները ամենօրյա ինֆորմացիա են ստանում միջազգային կյանքի և երկրի վիճակի մասին և այլն: Այդ միջոցառումները մեծապես նպաստում են գիտական ուսումնասիրությունների որակի բարձրացմանը:

Հայ-հունգարական կապերը, երկու երկրների գիտական հիմնարկների գիտաշխատողների փոխալսելությունները, համատեղ գիտահետազոտական ուսումնասիրությունները կնպաստեն վեր հանելու հայ գաղթականների և հունգար ու հայ ժողովուրդների բարեկամության և համագործակցության վերաբերյալ միջևն ալսու անհայտ շատ հարցեր:

Այնուհետև իրենց տպավորությունները պատմեցին պատվիրակության անդամներ՝ պատմական գիտությունների դոկտոր Ե. Սարգսյանը և պատմական գիտությունների թեկնածու Վ. Ոսկանյանը:

— Հայ և հունգար գիտնականների փոխալսելությունները, — ասաց Ե. Սարգսյանը, — կնպաստեն ոչ միայն գիտական կապերի ամրապնդմանը, այլև պայմաններ կստեղծեն համատեղ գիտական հետազոտություններ կատարելուն, միմյանց մշակույթին ծանոթանալուն: Հունգար գիտնականները մեզ առաջարկեցին համատեղ ժողովածու հրատարակել զարգացող երկրների պատմության և տնտեսության վերաբերյալ: Նախատեսված ժողովածուի տնտեսական հարցերի մասին բաժինը պետք է գրեն հունգարացի գիտնականները, իսկ պատմության բաժինը՝ ՀՍՍՀ ԳԱ արևելագիտության սեկտորի գիտական աշխատողները:

Վ. Ոսկանյանը իր ելույթում նշեց, որ Հունգարիայի և Հայաստանի գիտական կապերը կօգնեն լուսաբանելու Հունգարիայի հայ գաղութների պատմության հարցերը:

Մեր բազմաթիվ հանդիպումների և զրույցների ժամանակ, — ասաց նա, — հունգարացի բարեկամները ընդգծում էին այն կարևոր միտքը, որ հայերին հովանավորելով, հունգար ժողովուրդը ոչ միայն նրանց օգնել է փրկվելու ֆիզիկական ոչնչացումից, այլև կանգնել իրենց շարքերում, օգտվել ինքնավարության իրավունքից, հաղորդակից լինել երկրի տնտեսական, քաղաքական ու կուլտուրական զարգացման բարձր աստիճանի վրա գտնվող կյանքին, պայմաններ է ստեղծել նրանց ազգային կյանքի զարգացման համար: Իսկ հայ արհեստավորները նրանց հաղորդել են իրենց ազգային արհեստագործական հմտությունները, հայ վաճառականները միջնորդներ են եղել Ասիայի և Եվրոպայի միջև զարգացող առևտրում:

Շնորհիվ ազգային ու կրոնական հանդուրժողականության և բարի դրացիական հարաբերությունների, հունգարահայերը հասարակության մեջ զբաղում են պատվավոր տեղ տալով գրողներ, դիվանագետներ, հեղափոխականներ, ղեկավարականներ, նույնիսկ գեներալներ։ Հունգարիայի 1848—1849 թթ. բուրժուա-դեմոկրատական հեղափոխության և ազգային-ազատագրական շարժման աչքի ընկնող մի շարք հունգարացի գեներալների շարքում էին նաև հայազգի գեներալներ Լազար Վիլմոշը (Վիլհելմ Ղազարյան), էոնես Քիշին (Քիշյան), իսկ երրորդ գեներալը՝ Յանոշ Ցեցին (Հովհաննես Յիցյան) խուսափելով բանտարկությունից, տեղափոխվել է Բուենոս-Այրես և այնտեղ հիմնել ռազմական ակադեմիա։

Բաժանմունքի բյուրոյի նիստում քննարկվող հարցի շուրջը ելույթներ ունեցան ՀՄՄԶ ԳԱ թղթակից-անդամ Մ. Հասարթյանը, ակադեմիկոսներ Ա. Ղարիբյանը, Ա. Կարինյանը, բանասիրական գիտությունների դոկտոր. պրոֆեսոր Դ. Հովնանը։

— Այս հիանալի գործը, — ասաց Հասարթյանը, — պետք է շարունակել նաև Բալկանյան այլ երկրներում։ Սակայն աններելի է, որ մենք այդ երկրների լեզուները չգիտենք, անհրաժեշտ է շուտափույթ կերպով կազմակերպել լեզուների ուսուցման գործը։ Մեր արխիվների մեծ մասը կորցրել ենք, պետք է մտածել դրանք գտնելու ու գիտական շրջանառության մեջ դնելու մասին։ Արխիվների զգալի մասը, հատկապես 1918—1920 թթ. արխիվները, գտնվում են Երուսաղեմում և մինչև օրս չեն բացված, մի այլ արխիվ՝ Հալեբում։ Անշուշտ, Հունգարիայում գտնվող արխիվները մեծ դեր կխաղան մեր ժողովրդի պատմության շատ հարցերի բացահայտման և լուսաբանման գործում։

Ակադեմիկոս Ա. Ղարիբյանը իր ելույթում բաժանմունքի բյուրոյի ուշադրությունը հրավիրեց փոխադարձ կապերի և ուսուցման միջոցով հունգարագետ հայ և հայագետ հունգար կադրերի պատրաստման վրա։ Նա նշեց, որ պետք է հունգարահայ երիտասարդներ հրավիրել մեր ուսումնական հաստատություններում սովորելու համար, իսկ հայ ասպիրանտների դործուղել Հունգարիա, այնտեղ սովորելու, նույնիսկ պաշտպանելու դիսերտացիա։

Հայ-հունգարական դիտական կապերի հետագա ամրապնդման վերաբերյալ բաժանմունքի բյուրոն ընդունեց հատուկ որոշում։